



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. X. De Compilatione Gregoriana, & Bonifacii VIII.

urn:nbn:de:hbz:466:1-10224

CAP. X.

De Compilatione Gregoriana, &
Bonifacii VIII.

S U M M A R I A.

- | | |
|---|---|
| 1. Gregorii IX. <i>Compilatio.</i> | 5. <i>In Galliâ non recepta.</i> |
| 2. <i>Raymundus de Pennâ forti</i>
<i>ejus auctor.</i> | 6. <i>Prohibente Philippo Rege.</i> |
| 3. <i>Bonifacii VIII. Decretales.</i> | 7. <i>Clemens V. antecessoris rigo-</i>
<i>rem temperat.</i> |
| 4. <i>Compilatores earum.</i> | |

*Gregorii IX.
Compilatio.*

Ultima est Gregorii IX. qui, ceu Cujacius ait *c. ult. de sent. & rejud.* ut aliquid in eâ poneret de suo, ex jure Civili ultro, non aditus à Consultoribus ullis, pleraque sumsit & inseruit, quo fit, ut ejus constitutiones plerumque nemini inscribantur, ad quem dirigantur. Prodiit A. C. 1230. operâ Ray-

*Raymundus
de Pennâ
forti ejus
auctor.*

mundi de Pennâ forti Capellani & Pœnitentiarii Pontificis. Vide *Proœm. Decret. Gregor. vers. ad communem.* De Raymundo vide infra *Eclogæ hujus c. 13.* Qui postea à Clemente VIII. d. 29. April. anno 1601. sanctorum numero receptus & canonisatus est. Job. Bapt. Vivianus *ad proœm. decret. Greg.* Ab hac compilatione Pontifices sequentes cessarunt aliquandiu novis constitutionibus

*Bonifacii
VIII. Decre-
tales.*

edendis, donec sub annum Christi 1300. Bonifacius VIII. partim suas partim aliorum superiorum Pontificum, qui inter ipsum & Gregorium IX. intercesserant, nec non ipsius Gregorii novas constitutiones, ac præcipuè duorum generalium conciliorum Lugdunensium, quorum alterum sub Innocentio IV. anno 1245. alterum sub Gregorio X. anno 1273. celebratum, decreta totidem libris, eodemque profus ordine, quot & quo ipse Gregorius usus fuit, adjecit. Multa, quæ ante in scholis & in judiciis ambigua declarasse dicitur Henrico Stereoni *p. 403. tom. un. scriptorum Ger-*

*Compilato-
res earum.*

man. à Frebero editorum, & Henrico à Rebdorf. p. 417. Hæc compilatio facta per Guilielmum Archiepiscopum Ebrodunensem, & Berengarium, Episcopum Biterensem, ac Magistrum Richardum de:

de Senis, S. R. E. Vice-Cancellarium, quorum fit mentio in proœm. libri VI. Decretalium. Meminit & Richardi, tanquam Auctoris hujus compilationis Alber. de Rosat. l. ult. C. de Feriis. Cui etiam Dylum superfuisse tradunt. Vide Catell. Corr. Memorab. Citatur à Baldo in tit. de pace constant. nomine Novellarum. Alb. Gentil. d. c. 1. pag. 11. Hæc compilatio in Galliâ non est recepta, quod quæ in ea extent constitutiones pleræque in odium & æmulationem Philippi Francorum Regis editæ, & in Romanæ aulae quæstum excogitatæ credantur. Duaren. præfat. lib. de Sac. Eccles. min. Cujac. c. ad audientiam. 4. de Sponsal. & matrim. Cluten Syllog. rer. quot. th. 6. lit. b. Ferre enim Rex non poterat majestatem suam & regni à Pontifice imminui. Papa enim Regem anathemate non tantum percussit, sed subditum in rebus civilibus scripto denunciavit, anno ultimo Pontificatus. Cui successor Clemens V. derogavit, cap. meruit. de privil. in Clement. Vide Henricum Spontanum.

In Galliâ
nō recepta.
Prohibente
Philippo,
Rege.

Clemens V.
antecefforis,
rigorem
temperat.

C A P. XI. De Clementinis, Extravagantibus, & libro Septimo.

S U M M A R I A.

- | | |
|--|--------------------------------|
| 1. Clemens V. novam collectionem parturiens morte præventus. | 5. Extravagantes communes. |
| 2. Quæ à Job. XXII. prodit. | 6. Glossatores earum. |
| 3. Job. Andrea in Glossas. | 7. Petri Matthæi collectio. |
| 4. Extravagantes Johannis XXII. Earumq; Interpretes. | 8. Aliorum opera. |
| | 9. Liber septimus Decretalium. |

Mortuo Bonifacio Clemens V. Gallus è Vasconiâ, diœcesis Burdigalensis eodem ordine servato constitutiones Concilii Viennensis anno 1311. celebrati, una cum ceteris constitutionibus Decretalibusque edere animatus, sed morte præventus fuit. Itaque curante successore Johanne XXII, anno 1320. prodierunt quæ Clementinarum appellatione ci-

Clemens V.
novam col-
lectionem
parturiens
morte præ-
ventus.